



NEWS RELEASE

Mesyuarat Jawatankuasa Kabinet Membentaras Gejala Dadah (JKDM) yang dipengerusikan oleh Timbalan Perdana Menteri Yang Amat Berhormat Dato' Seri Dr. Wan Azizah Binti Dr. Wan Ismail di Putrajaya pagi tadi telah membincangkan perkara-perkara yang telah dibangkitkan dalam mesyuarat JKDM sebelum ini. Mesyuarat berkenaan telah dihadiri oleh Menteri Dalam Negeri Yang Berhormat Tan Sri Dato' Haji Muhyiddin Yassin, Menteri Belia Dan Sukan Syed Saddiq Abdul Rahman, Menteri Undang-Undang Yang Berhormat Datuk Liew Vui Keong, Menteri Perpaduan Negara dan Integrasi Nasional Yang Berhormat Waythamoorthy Ponnusamy, selain Agensi Antidadah Kebangsaan dan Polis Diraja Malaysia (PDRM).

Datuk VK Liew mengemukakan pandangan bahawa penggunaan dadah haruslah lebih dilihat melalui sudut kesihatan sosial dan diselia melalui sektor kesihatan, dan bukanlah ditangani melalui sistem pengadilan jenayah.

Katanya, penggunaan dadah dan ketagihan adalah satu kesan biologi yang kompleks yang dipengaruhi oleh pelbagai faktor seperti kecenderungan genetik, faktor psikologi dan pengaruh persekitaran. Penguatkuasaan haruslah lebih tertumpu terhadap aktiviti penyeludupan bekalan dadah dan bukannya menumpukan kepada menghukum terhadap pengguna bahan berkenaan semata-mata.

Katanya lagi, dominasi pelaksanaan penguatkuasaan undang-undang dalam menentang penggunaan dadah secara haram bukan sahaja kurang berkesan, malah telah memburukan lagi tahap kesihatan individu terbabit selain turut melibatkan perbelanjaan wang yang besar oleh kerajaan.

Ini dapat dilihat apabila ada diantara mereka (penagih dadah) yang sudah keluar dari Pusat Serenti telah kembali dengan tabiat asal kerana tiada dorongan dan sokongan berterusan untuk membantu mereka dalam melawan penyakit ini.

Menteri berkata beberapa seksyen dalam Akta Dadah Berbahaya 1952 perlu dikaji semula untuk membetulkan pendekatan hukuman sedia.

(Tamat)

'Sayangi Malaysiaku'

Datuk Liew Vui Keong

**MENTERI DI JABATAN PERDANA MENTERI
(UNDANG-UNDANG)
PUTRAJAYA.**

17 JANUARI 2019